



OPĆINSKI NAČELNIK

MUNICIPALITY MAYOR

Broj: 05/2-11/3-1722/26

Velika Kladuša, 20.07.2026. godine

Na osnovu člana 70. stav (1), Zakona o javnim nabavkama i član 72. stav (3) („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14 i 49/23) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku radova – Sanacija klizišta na lokalitetu Jablan, općina Velika Kladuša, Općinski načelnik Općine Velika Kladuša, donio je

ODLUKU

o dodjeli ugovora trećerangiranom ponuđaču

1. Stavlja se van snage Odluka o dodjeli ugovora broj: 05/2-11/3-1722/26 od 16.07.2026. godine za nabavku radova – Sanacija klizišta na lokalitetu Jablan, općina Velika Kladuša dostavljena Ugovornom organu po JN broj: 299-1-3-49-3-97/26 od 07.07.2026. godine, dodjeljuje trećerangiranom ponuđaču **I-SELIMOVIC d.o.o. Cazin** sa konačnom cijenom od **63.496,38 KM** bez PDV-a.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Obrazloženje

Odlukom o dodjeli ugovora broj: 05/2-11/3-1722/26 od 07.07.2026. godine, ugovor u predmetu otvorenog postupka javne nabavke radova – Sanacija klizišta na lokalitetu Jablan, općina Velika Kladuša dodijeljen je prvorangiranom ponuđaču Hodurnik d.o.o. Cazin, sa ponuđenom cijenom u iznosu od 44.844,00 KM bez PDV-a. Odabrani ponuđač je dana 08.07.2026. godine potvrdio prijem Odluke o dodjeli ugovora te je, u skladu sa zahtjevima iz tenderske dokumentacije, bio u obavezi u roku od 5 (pet) dana dostaviti dokaze propisane članom 45. Zakona o javnim nabavkama.

Odabrani ponuđač nije dostavio tražene dokaze u roku predviđenom tenderskom dokumentacijom, slijedom čega je donesena odluka o dodjeli ugovora drugorangiranom ponuđaču Safic Electronics d.o.o. Velika Kladuša broj: 05/2-11/3-1722/26 od 16.07.2026. godine, te je ista dostavljena svim ponuđačima u postupku nabavke radova – Sanacija klizišta na lokalitetu Jablan, općina Velika Kladuša.

Dana 19.07.2026. godine drugorangirani ponuđač **SAFIC ELECTRONICS d.o.o. Velika Kladuša** dostavio je Ugovornom organu putem e-maila dopis kojim obavještava da odustaje od zaključenja ugovora u predmetnom postupku javne nabavke, navodeći da nije u mogućnosti izvesti radove u skladu sa dostavljenom ponudom.

S obzirom na to da je drugorangirani ponuđač **SAFIC ELECTRONICS d.o.o. Velika Kladuša** odustao od potpisivanja ugovora, a da je ponuda ponuđača **I-SELIMOVIĆ d.o.o. Cazin**, sa ponuđenom cijenom od 63.496,38 KM bez PDV-a, sljedeća na rang-listi prihvatljivih ponuda koju je sačinila Komisija za javne nabavke, ugovor za nabavku radova „Sanacija klizišta na lokalitetu Jablan, općina Velika Kladuša“ dodjeljuje se trećerangiranom ponuđaču **I-SELIMOVIĆ d.o.o. Cazin**, po ponuđenoj cijeni od **63.496,38 KM bez PDV-a**.

Članom 72. tačka 3. a) Zakona o javnim nabavkama BiH propisano je slijedeće :


„ (3) Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača, u slučaju da najuspješniji ponuđač:

c) u pisanoj formi odbije dodjelu ugovora.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obradivač:


Aida Čerimagić

Kontrolisao:

Pomoćnik Općinskog načelnika
za finansije, računovodstvo i
javne nabavke


Zn Sebila Dervić Melkić



DOSTAVITI:

1. Učesnicima u postupku, 3x,
2. Služba za upravu, društvene djelatnosti i zajedničke poslove (web stranica),
3. U spis.